

No. 142. 1426. 12. Febr.

*Kurfürstin Katharina befiehlt mit Rücksicht auf neuerdings aus Aussig eingetroffene Nachrichten beschleunigte Absendung der von der Stadt zu stellenden Schützen.*

Catherina von gots gnaden herzogynne zcu Sachsen vnd marcgraffynne zcu Miessen.

Liben getruwen. Wenn vns abir warnunge vnd botschafft kommen ist, wye die ketzer sich groß sterken vnd sammeln vnd Awsck bestallen wollen, als ir das in dissem ingeslossenn briffe werdet eintel vernemen, darvmb begern wir von uch mit ganzem fliesse, das ir von stund euwer schuezen, die uch zeugesaczt sien, vßrichtet vnd bestellet, das die ye ane sumenisse uff dissen fritag gein Pyrne kommen vnd die uff das neheste czihen lasset vnd mit allen sachen dar noch schicket, wenn wir uch ander botschafft thun werden, das ir mit ganczer macht gefolgen moget. Vnd vorhaldet das nicht, dar an tut ir vns wol zcu dangke. Gegeben zcu Grymme am dinstage noch Estomihi anno 1c. vicesimo sexto.

Dem rate zcu Lipczk vnsern liben getruwen.

Abschriftliche Beifugen:

Vnsern vnderthenigen willigen dinst. Hochgeborne furstynne, genedige vrouwe. Wir bitten uwer furstliche genade wissen, das sich dy Weyßen nu an deßem nesten fritage der haben haben vom Slan vnde czyhen vff Lune, vnde vns eygentliche botschafft kummen ist, daz sy vor vns vnd vns berynnen vnd belegen wullen czu der Awsig in dryen tagen, vnde dy von Lutenbritz vnde Sacz vnd andern eren steten iczlicher stat dy helffte vff geboten ist, dy iczczunt alle czu czyhen vnde sammeln sich by Lune. Dez selben glich wir dem heutmanne von Miessin ouch geschriben haben. Nu bitten wir uwer genade, daz ir von stant bestellet mit uwer landen vnd luten, so sterkest ir kunnet, daz sy ane sumen keyn Pirne kummen vnde da vnser botschafft harren, wenne wir doch vnser eygentliche botschafft by sy bestalt haben. Wo wir nu derfarn, da sy sich hen kern, daz wullen wir den uwer vort schriben keyn Pirne. Gegeben vnder Caspar Rechinberges ingesigel . . dominica Esto mihi (10. Febr.?)

Dytherich Poeg, Caspar Rechinberg iczunt czu Awsig.

Der hochgebornen furstynne vnd vrouwen, vrouwen Catherynan herzogynne czu Sachsin, lantgraffin in Doryngen vnde margraffin czu Miessin vnser genedigen vrouwen.

Vnseren vnderthenigen dinst zcuor. Hochgebornn furstynn 1c. Wir bitten uwer gnade wissen, das vns die ketzer vorrethere zcugeschicket hatten, vnde nach haben, dez wir von den gotis gnaden inne wurden synt vnde eynen begriffen habin, das sy sulden die stad an vier enden an geleget haben vff desen nesten mantag in der vastnacht (11. Febr.), darvff sy sich alle bereyt vnd gericht habin mit buchßen vnd spise vnd mit anderem geczuge, ab daz fuer vff gehin wurde, das sye denn vonstaden mit storne zcu der stad czyhen welden, wenn daz fuer vff ginge; daz der vorrether bekant hat, den wir nach in gefengkenisse habin. Vnd die Tabern sich alle her awß gekart haben vnd nicht verre von Brux legen. Ab yn das alles felet, so meynen sie yo zcu vns zcu stormen drye tag vnd drie nacht, dar vmbe das sie meynen, das vns in der cziet nicht rettunge kommen mochte. Hir vmbe bitten wir uch 1c.

Hans von Sparremberg vnd Hans Korcz, amptlute zcu Brux.